



UNIVERSITÄTS-
BIBLIOTHEK
PADERBORN

Universitätsbibliothek Paderborn

Nucleus Practici Tractatus, De Legibus

Marchius, Ewald

Coloniæ Agrippinæ, 1660 [erschienen] 1661

Deo Optimo, Maximo, Legislatori primario, ...

urn:nbn:de:hbz:466:1-42256



DEO OPTIMO , MAXIMO,



EGISLATORI pri-
mario , Supremo , Sa-
pientissimo , Judicique
æquissimo , *a* qui cir-
cumdedisti mare termi-

nis , *b* & Aquis posuisti LEGEM ,
ne transirent fines suos , *c* Judicas
Orbem Terrarum in Justitiâ , & po-
pulos in æquitate , *d* LEGEM NA-
TURÆ , cum ipso rationis lumine ,
cordibus Hominum inspirasti ; A-
brahama fidei & obedientiæ Patri ,
ejusque Semini LEGEM *e* CIR-
CUMCISIONIS imposuisti , *f*
LEGEM DECALOGI Digitis
tuis , tabulis lapideis inscriptam , cæ-
terasque LEGES CÆREMO-

† 3

NIA-

a Job. 38. *b* Job. 28. *c* Psal. 97. *d* Psal. 4.
e Exo. 17. *f* Exo. 20.

NIALES , JUDICIALES, &
MORALES , famulo tuo Moyſi
tradidiſti : Denique novam LE-
GEM Gratiaë, Amoris, & Miſeri-
cordiaë per Dilectum Filium tuum
Hominibus annunciaſti , & per
Beatos Apoſtolos, ꝓ in die Pente-
coſtes, Spiritu ſancto miſſo de Cœ-
lo, promulgaſti, & toti mundo no-
tam feciſti ; A T E enim , omnis
Potestas in Cœlo & Terra, origi-
nem trahit, ac à tuâ Divinaë & Æter-
naë LEGIS imperio, veluti limpidiſ-
ſimo fonte , omnes cæteræ juſtæ
LEGES , tanquam lucidiſſimi Rivuli
profluunt, & ſcaturiginem ducunt,
cujus Divinaë venæ virtutem, & Sa-
porem, niſi ſapiant, & imbiberint,
veluti adulterini, & inſalubres repu-
tantur.

Tibi igitur ſummo LEGUM Au-
ctori præſentem hunc NUCLEUM,
Divi-

ꝓ Aclor. 2.

Divinarum tuarum, Humanarumque LEGUM sinceram Medullam, & Succum continentem, ad Promptuarium & Officinam Ecclesie Tuæ defero, & Majestatis Tuæ Pedibus suppliciter provolutus, ad Honorem, & Laudem Divinæ Gloriæ Tuæ, cum profundissima animi subjectione, humillimè offero: Dignum enim & Justum est, ut sicut flumina, ad Mare, unde exeunt, de novo revertuntur; h̄ ita Labor meus, Gratiâ tua præcedente inceptus, eâque concomitante continuatus, ac subsequente ad optatum finem productus, ad tuum vicissim serviat obsequium & Honorem: Non enim potui, præter Te, nobilius & excellentius implorare Patrocinium, quo hic meus NUCLEUS à Zoilorum arrosionibus, tutius defendere-
tur.

† 4

Unde

In Eccle. 10.

Unde suppliciter oro, quemad-
modum priorem meum NUCLEUM
de JURE & JUSTITIA, DIVINO
Nomini Tuo similiter dicatum, tam
copioso Benedictionis tuæ Rore
perfudisti, ut quamvis initio, aliquo-
rum oculis, vilis & exilis appareret,
postea tamen, ejus gustum ita acui-
sti, & dulcem plurimorum palatui
reddidisti, ut ejus orexi, multi Ju-
STITIÆ Amatores, prolecti, intra
biennii spatium, ultra octingentas
eiusdem compositiones abstumpse-
rint; Ita nunc similiter, super hunc
NUCLEUM Manum Tuæ Divinæ
Benedictionis, clementissime aperi-
re digneris, ut sicut per eam grana
frumenti, in terram jacta, multipli-
cata resurgunt; similiter etiam, hu-
jus NUCLEI mei Medulla & Suc-
cus, rore Gratiaæ Tuæ fœcundatus, &
multiplicatus, in multorum excret-
cat, & diffundatur profectum & Sa-
lutem.

lutem, Divinæque Tuæ Protectionis Clypeo munitus, ab adversantium defensus maneat incurfibus.

Et cum per Tuam Providentiam, Reges gubernent, & LEGUM Conditores JUSTA decernant, *i* emitte illis de Sede Majestatis Tuæ Spiritum Sapientiæ, Scientiæ, Prudentiæ, Consilii, Intellectus, Fortitudinis, & Timoris Tui, *k* ut tanquam Fideles Ministri Regni Tui, *l* sine acceptione Personarum, juxta Sacrarum LEGUM Præcepta, Populum suum gubernent, ut ab omni injustâ oppressione, & perturbatione securus, in Pace, Tranquillitate, Sanctitate & Justitiâ, *m* serviat, coram Te, omnibus diebus vitæ suæ.

† 5

CAR-

i Prover. 8. *k* Eccl. 15. *l* Isa. 11. *l* Sapi. 6.
m Luca. 1.